

卷五

封將舖堤賢人

贈材舍堰哲物

任不附 3433

兵橋宮儲官

防梁室卹蹟

屯驛市帝名

田傳集迹臣

地
140.99
1276
15
部五

重刊萬曆萊州府志

吳郁生
署檢



萊州府志卷五

封贈 任子附

王中丞謂

馳恩非選也擁虛名無實職耳愚謂礪世磨鈍移孝為忠正在於此故與任子併志之見 國家待士不薄士宜知圖報矣

掖縣

國朝

高政 贈主事以子奉貴

毛伯全 贈少保尚書武英殿大學士以曾孫紀貴

毛剛 贈少保尚書武英殿大學士以孫紀貴

毛敏 教授累贈少保尚書武殿大學士以子紀貴

郭釗 教諭贈御史以子東山貴

萊州府志卷五

滕璉 訓導贈主事以子謐貴

王邦 教諭封知州以子文林貴

宿傲 封御史以子應麟貴

侯興 贈副都御史以孫東萊貴

侯思義 贈副都御史以子東萊貴

錢源 贈奉直大夫南京戶部郎中以子進學貴

劉真 贈參政以孫祐貴

劉廷珮 贈參政以子祐貴

姜迪 贈員外郎以子廷珪貴

方銳 贈僉事以子岳貴

宿應軫 贈郎中以子度貴

趙惠 累贈南京吏部尚書以孫煥貴

趙孟 教授累封南京吏部尙書以子煥貴

楊臣 贈同知以子廷感貴

周命 贈同知以子晉貴

胡成 贈參政以孫來貢貴

胡相 累贈參政以子來貢貴

劉祿 教諭贈主事以子師魯貴

原思慶 贈文林郎大名府魏縣知縣以子一魁貴

王謙 贈知州以子思睿貴

董用威 封禮部員外郎以子基貴

林守經 訓導封知縣以子天秩貴

徐守道 封知縣以子圖貴

綦鯨 教諭贈知縣以子才貴

萊州府志卷五

姜夢周 贈主事以子仲軾貴

王致遜 贈知縣以子嘉楠貴

李先芳 封知縣以子伯華貴

毛欒 贈真定府同知以子似荀貴

孫朝陽 封知縣以子延貴

孫一鵬 贈兵科給事中以子善繼貴

張輦 封行人以子孔教貴

唐義 贈南京國子監學正以子詩貴

任子

毛集 以父紀廕官至知府

毛延照 以祖紀廕尙寶司丞

毛延清 以父渠廕入監

毛延泰 補兄延清廕入監

毛引重 以曾祖紀廕世襲錦衣衛指揮僉事

胡師廣 以父來貢廕官戶部檢校陞都察院照磨

侯永昌 以祖東萊廕入監

趙祐昌 以父煥廕入監

平度州

宋

蔡 綰 贈太保以曾孫文忠公貴

蔡 鄰 綰次子贈太保以孫文忠公貴

蔡夢臣 鄰子贈中書令以子文忠公貴

國朝

官 爵 封戶部員外郎以子廉貴

萊州府志卷五

張宗義 贈文林郎廣平府推官以子公玉貴

張 麟 贈廣東道監察御史以子禎貴

孫 愷 贈戶部主事以子儀貴

傅 佐 贈御史以子漢臣貴

李 宗 贈文林郎鞏昌府推官以子慧貴

崔廷槐 僉事以子桓知縣進奉直大夫

崔廷桂 衡府官贈文林郎順義縣知縣以子淳貴

崔廷楠 槐弟廩生贈文林郎肅寧縣知縣以子校貴

官名重 封文安知縣以子延澤貴

崔廷楓 知縣以子悟北城兵馬指揮進承德郎

官曰愼 贈文林郎順天府固安縣知縣以子箴貴

昌邑縣

黃祐志 贈少保兼戶部尙書以曾孫福貴

黃谷保 贈少保兼戶部尙書以孫福貴

黃士中 贈少保兼戶部尙書以子福貴

譚義 贈戶部侍郎以子溥貴

孫思恭 贈禮部祠祭司郎中以子恕貴

孫恕 贈都察院右副都御史以孫洪貴

孫祥 贈都察院左副都御史以子洪貴

馮鎬 封兵部職方司主事贈員外郎以子續貴

朱廉 贈安慶府同知以子璉貴

李昇 贈工部都水司員外郎以子鳳貴

翟淳 封工科給事中贈右僉都御史以子瓚貴

孫植 贈禮部祠祭司主事以子昂貴

萊州府志卷五

葛慶 贈兵部武選司主事以子縉貴

邢時舉 贈四川道監察御史累贈都察院右僉都御史以子尙簡貴

孫義 封文林郎以子夢豸貴

邢尙寬 封工部主事以子有忭貴

濰縣

元

范楫 成進子贈中大夫般陽總管追封高平郡侯以子貴

國朝

陳興 贈文林郎南京通政司經歷以子鵬貴

孫埜 贈文林郎東城兵馬副指揮以子璘貴

胡洪 封承德郎太僕寺寺丞以子節貴

王廷 贈奉直大夫均州知州以子彩貴

劉軻 贈右副都御史加贈尙書以孫應節貴

劉潤 封戶部主事加贈順德府知府累贈都御史南京工部尙書以子應節

貴

劉璋 贈戶部主事以子廷錫貴

胡璉 贈奉直大夫南京刑部郎中以子邦佐貴

宋大強 封鳳翔府推官加贈南京工部郎中以子繼先貴

王銳 國子生贈監察御史以子漸貴

齊聞樂 贈文林郎交城知縣加贈德安知府以子一經貴

姚英 封文林郎榆次知縣加封禮科左給事中以子德重貴

于秉哲 贈登仕佐郎國子監典籍以子評貴

高如愚 贈文林郎泰興知縣加贈郎中以子桂貴

陳懿訓 贈文林郎真定知縣以子所問貴

萊州府志卷五

五

潘賓 贈修職郎行人司行人以子國重貴

許進 封文林郎河間知縣以子舜民貴

顏儒 贈文林郎知縣以子思忠貴

任子

劉元勛 以父應節廕入監

膠州

國朝

薛安 追封陽武侯以曾孫祿貴

薛大 追封陽武侯以孫祿貴

薛遇林 追封陽武侯以子祿貴

韓才甫 贈通議大夫右僉都御史以子福貴

張鳳 封文林郎鉅鹿知縣以子顯貴

匡茂 封文林郎監察御史以子翼之貴

欒鐸 封承德郎刑部主事以子瑄貴

宋儀 封文林郎監察御史以子漢貴

彭源 贈承德郎刑部主事以子瓚貴

高亨 贈承德郎太僕寺寺丞以子迪貴

高冠 贈奉直大夫山西絳州知州以子光烈貴

姜選 吏目贈文林郎監察御史以子潤身貴

欒滋 封文林郎五臺知縣以子驥貴

彭鶴齡 訓導贈中書舍人以子繼業貴

趙從龍 府同知贈進階奉政大夫以子完璧貴

姜光宿 教諭封監察御史累進封按察司副使中憲大夫以子繼曾貴

郭巍然 主簿封文林郎懷柔知縣以子居易貴

萊州府志卷五

匡允定 封文林郎加贈徵仕郎兵科給事中累贈奉政大夫戶部郎中以子鐸貴

紀繪素 生員贈奉政大夫戶部郎中以子五常貴

趙完璧 通判加封中憲大夫大名府知府以子慎修貴為兵馬杭陸司隸被逮

人重之工詩文

薛永安 贈文林郎襄陽府推官以子曜貴

高密縣

儀均祥 照磨贈兵部尚書以曾孫銘貴

儀仲和 稅課司副使贈兵部尚書以孫銘貴

李遜 陝西行都司經歷贈兵部左侍郎以孫介貴

李傑 舉人仕太倉衛教授贈兵部左侍郎以子介貴

閻仲雷 贈刑部郎中以子芹貴

任子

儀瑁 以祖銘廕官至大名府通判

李光祚 以祖介廕官至思南府知府

李光緒 以父昆廕官至南京光祿寺署正

卽墨縣

國朝

藍福盛 贈副都御史以孫章貴

藍銅 贈副都御史以子章貴

范鵬 贈主事以子階貴

杜希賢 贈伊府長史以子誥貴

杜誌 贈兵部員外以子棟貴

孫吉 贈奉直大夫以子元卿貴

萊州府志卷五

尹綸 兵備副使進封驃騎將軍左軍督都府都督僉事以子秉衡貴

黃作聖 贈中憲大夫都察院右僉都御史以子嘉善貴

周民 贈文林郎知縣以子如綸貴

王光遠 贈中憲大夫知府以子祿兆貴

胡淮 贈文林郎知縣以子從賓貴

周賦 累贈中允以子如砥貴

任子

漢

王崇 以父駿任爲郎見人物

國朝

藍因 以父章廕任江寧知縣陞慶陽府通判

靈山衛

國朝

蘇 霖 封文林郎米脂縣知縣以子叢貴

萊州府志卷五

兵防 武職附

雖甚盛世不能去兵齊東山川遼闊淄青膠密之間自漢來時有反側故 國初多設營衛近島寇震鄰倉卒莫知爲計夫是以益講於兵而萊人舊不能操舟賊來何計遏之海上故又設戰艦勢不得不以南人領之矣

洪武初

武略將軍萊州府守禦官李享

萊州營

萬曆二十五年以倭警置六營參將一員統之把總六員哨官三十員兵三千名三十年閏二月知府龍文明議請立水寨一營把總一員哨官二員沙船十三隻唬船六隻水兵四百一十八名三十年九月裁減止存把總五員哨官十二員兵二千四百餘

參將

萊州府志卷五

九

楊如松 陝西西安府耀州同官人由生員任安東衛指揮僉事萬曆二十五年以遊擊管參將事

劉炳文 福建漳浦縣人由浙江台州衛指揮僉事萬曆二十六年以都司管參將事

福日升 直隸金山衛人由揚州衛正千戶萬曆二十九年以遊擊管參將事
朱拱極 直隸和州舍山縣人由鰲山衛指揮僉事萬曆二十九年任

萊州駐劄南兵營 尋廢

都司

趙賢輔 浙江金華府東陽縣人萬曆二十一年任

守備

王道成 直隸廬州府合肥縣人由登州衛指揮僉事萬曆二十七年任
東操廠 在府治東北

西操廠 在府治後二廠俱副使馮時雍建今西廠改爲守備府

王徐營

於萬曆二十一年設守備一員中軍一員哨官三員兵五百名 演武場在城南
守備

毛大斌 浙江金華府華烏縣人由生員取用萬曆二十一年任

谷中和 山東青州府臨淄縣人由濟南衛指揮使中武進士萬曆二十二年任

蔣培祚 山東濟南府武定州人由平山衛指揮僉事萬曆二十五年任

王師吉 山東武定州人由金山所副千戶萬曆二十九年任三十一年裁本營

守備調師吉膠卽營

卽墨營

舊在縣南七十里金家嶺宣德八年移縣北十里舊設把總二員因倭警萬曆二十一年改爲守備府設守備一員中軍一員哨官四員實在軍士九百一十九名

萊州府志卷五

一〇

演武場在城南

守備

陳望東 山陽縣人由武進士萬曆二十一年以都司任後復姓韓

楊汝松 安東衛指揮萬曆二十四年任陞遊擊管萊州營參將事

胡大經 處州衛指揮萬曆二十五年任

李大生 處州衛指揮應襲萬曆二十八年任

王師吉 金山所副千戶萬曆三十一年任

萊州衛在府治東南指揮使二員署指揮使一員指揮同知六員署指揮同知一員
指揮僉事五員署指揮僉事五員皆以遷叙至無定額經歷一員知事一員萬曆十一

年鎮撫二員左右中前後五所正千戶十員副千戶五員實授百戶二十五員試

百戶九員邊操軍一千二百四十六名京操軍一百一十二名守城軍餘三百五
十名屯田軍餘二百九十名軍俱新額

演武場在府城東北廳三楹兩翼後廳三楹兩廂將臺一小廳一門三繚以垣其後爲海山亭

王徐寨備禦千戶所屬萊州衛其設官正千戶副千戶百戶轄墩六曰虎口曰茲口曰莊頭曰王徐曰識會在所北曰高沙在所西

馬停寨備禦百戶所屬萊州衛設有百戶轄墩五曰鹽場曰零當望在所北曰河口曰界首曰黃山在所西

竈河寨備禦四百戶所屬萊州衛設有百戶轄墩三曰單山曰三山曰本寨在所北馬埠寨備禦四百戶所屬萊州衛設有百戶轄墩三曰海廟曰扒埠在所北曰馬埠在所南

靈山衛在膠州東南九十里指揮使五員指揮同知二員指揮僉事十員經歷一員鎮撫二員左前後所千戶十四員百戶二十員邊操軍三百二十四京操二百八十九俱新額守城軍餘二百八名屯田軍餘二百八十七名轄墩堡三十曰帽子

萊州府志卷五

一一一

峯曰將軍臺曰沙嘴曰黃埠曰敲堯山曰唐島曰安嶺曰李家島曰酉子埠曰烽火山在衛南曰野人埠曰黃山曰長城嶺曰臧家疇曰捉馬山曰張家莊曰呼蘭嘴在衛東曰沙嘴在衛東北曰孫家港曰劉家溝曰白塔沓曰交叉澗曰青石山曰崇石山曰東石山在衛北曰焦家村曰石喇叉曰鹿角河曰花山曰大虎口在

衛西

演武場在衛城東

夏河寨備禦千戶所屬靈山衛設官有正千戶副千戶百戶轄墩堡十六曰夏河曰沙嶺曰黃埠曰徐家埠曰紫良山曰海王莊曰車壘曰大盤在所南曰顯溝曰趙家營曰走馬嶺曰封家嶺曰沙嶺曰小灘曰王家莊曰丁家莊在所北

鰲山衛在卽墨縣東四十里指揮使三員指揮同知五員指揮僉事八員經歷一員鎮撫二員右前後所千戶六員百戶十五員邊操軍三百二十四名京操軍二百八十九名守城軍餘二百八名屯田軍餘二百八十七名軍皆新額轄墩堡二十

六日分水嶺曰石嶺曰小勞山曰橫担曰擘石曰龍口曰石老人曰栲栳島曰蕭旺曰捉馬嘴在衛南曰狼家嘴曰高山曰羊山在衛東曰走馬嶺曰峯山曰蝟皮嶺曰黃埠曰石爐山曰桑園曰石張口曰大村曰明旺曰營前曰馬山曰孫疇曰那城在衛北

演武場在衛城西

浮山寨備禦千戶所屬鰲山衛設官正千戶副千戶百戶轄墩堡十八曰麥島曰錯皮嶺曰雙山曰塔山曰瓮窩頭在所東曰轉頭山曰狗塔埠曰桃村曰中村曰東城曰張家莊曰程家莊在所南曰程羊曰女姑曰樓山曰孤山曰紅石曰斬山在所西

膠州守禦千戶所在州治東洪武五年建設官有正千戶三員副千戶二員百戶十員鎮撫一員所吏目一員京操軍春成八十九名秋成三百一十七名守城軍餘八十九屯田軍餘七十七名轄墩堡十六曰鹿村曰八里莊曰柘溝河曰塔埠曰

萊州府志卷五

一一一

江家莊曰沙埠曰洋河曰石河河在所南曰孤埠曰杜家港曰沙嶺曰大埠曰欒村曰陳村曰辛莊曰石河在所東新增墩堡九曰沽河曰會灘在所東曰三里河曰千斤石曰海莊曰陳家島曰龍泉曰劉家港在所東南曰團林曰龍潭在所南轄寨六曰海莊寨曰陳村寨曰檉城寨曰龍泉寨曰兩河寨曰龍潭寨雄崖守禦千戶所在卽墨縣東北九十里洪武間建設官有千戶四員百戶五員所吏目一員京操軍春成二百五十二名秋成三百一十九名守城軍餘五十一名屯田軍餘七十七名轄墩堡十一曰椴村曰王騫曰王家山曰公平山曰望山在所南曰青山曰米粟山曰北漸山曰陷牛山曰朱皋曰白馬島在所北
演武場在所城南

掖縣

柴胡寨巡檢司在縣北五十里設巡檢一員弓兵二十名轄墩六曰小皂兒曰武家莊曰上官曰柴葫曰大原在司北曰諸高在司西

海倉巡檢司在縣西北九十里設巡檢一員弓兵二十名轄墩五曰海鄭曰白堂曰土山曰後灶曰東關俱在司東新增墩三曰花兒墩在王徐寨曰玉皇墩在郎子埠曰祿山墩在祿山俱萬曆二十五年建

平度州

演武場在州城東廳三楹左有旗纛臺

亭口巡檢司在州西南七十里洪武三十三年建弘治十年移古現設巡檢一員弓兵二十名

昌邑縣

演武場在縣城東南廳三楹繚以垣

魚兒鋪巡檢司在縣北五十里設巡檢一員弓兵二十六名轄墩六曰黑沙曰河口曰韓城曰本司曰煙火曰立魚河俱在司北

濰縣

萊州府志卷五

一一三

萬曆二十五年因朝鮮倭警募兵三千置遊擊一員中軍一員把總五員哨官二十餘員以防北海尋革

演武場在縣西知縣史善言建廳三楹繚以垣

固堤店巡檢司在縣東北四十里設巡檢一員弓兵二十名

膠州

演武場在州東北一里洪武五年千戶申義建營壘今廢僅存大廳三門木坊一座將臺一座

逢猛巡檢司在州南四十里逢猛社洪武八年建設巡檢一員轄墩堡三曰戶埠曰彭家港曰鳥兒河俱在司西

古鎮巡檢司在州西南一百二十里古鎮社洪武八年建設巡檢一員轄墩堡三曰西莊在司西曰古積曰北青在司東南

高密縣

演武場在縣城南

卽墨縣

演武場在縣城南

栲栳島巡檢司在縣東九十里設巡檢一員弓兵二十名轄墩三曰栲栳島在司城內曰丈二山在司西南曰金錢山在司東 州縣各有守城民壯以八十名爲率

屯田

萊州營張舍屯田一百二十四頃七十三畝屯糧無定額隨豐歉爲多寡

萊州衛屯田三百四十九頃五十二畝屯糧三千八百三十四石三斗四升

靈山衛屯田一百四十三頃屯糧一千七百一十六石

鰲山衛屯田一百四十頃二十五畝屯糧一千六百八十三石

膠州所屯田五十八頃屯糧六百九十六石

萊州府志卷五

一四

雄崖所屯田五十九頃屯糧七百八石

將材

自世之重文也韜鈴之士往往輕於世而其人亦自輕雲中五原漁陽遼左諸名王庭且爲具員况乎海隅久稱承平乎乃流氓之變洞胸膏野蔡張稱焉倭變以來材官屯守亦自不乏人也武人可盡少乎故志之

南北朝魏

唐 凌 北海平壽人永之子少習武藝擢爲武賁郎將遷車騎大將軍

隋

段文操 北海期源人兵部尙書文振弟爲武賁將軍

國朝

廉 政 鰲山衛指揮僉事陞都指揮僉事

張 傑 萊州衛指揮使官至副總兵

楊 棟 萊州衛署指揮僉事陞德州守備

萊州府志卷五

一五

王 道 萊州衛指揮僉事陞安東守備

張 功 萊州衛指揮同知見武科

楚 瀛 萊州衛署指揮同知官至中都副留守

劉繼本 萊州衛指揮同知官至副總兵守官清苦死無餘貲

楚邦禎 瀛子萊州衛署指揮同知陞八角堡守備

胡懋功 膠州所千戶官至建昌營都司

羅 袍 萊州衛指揮使官至遊擊將軍

焦 鷗 靈山衛指揮僉事陞副留守

朱 衣 鰲山衛指揮僉事官至大同遊擊將軍

朱拱極 衣之子鰲山衛指揮僉事任萊州營參將

王 煬 萊州衛指揮僉事陞臨清守備以稅使馬堂激變被逮死錦衣衛寃之

何天衢 鰲山衛指揮同知陞大嵩守備

武憲文 萊州衛指揮僉事陞臨清守備

萊州府志卷五

橋梁

掖縣

迎仙橋 在城東門外

小石橋 在縣東十三里

大石橋 在縣東二十五里

南陽河橋 在縣南一里

三里橋 在縣南三里

白沙橋 在縣南三十里

掖河橋 在縣西二里

遠西河橋 在縣西二里

郎村橋 在縣西二十里

沙河橋 在縣西五十里

萊州府志卷五

一七

萬歲橋 在縣東北三十里俗呼爲萬河橋

朱河橋 在縣東北六十里

六灣橋 在縣西北二十七里

平度州

雙鳳橋 在州城西四面通衢遞年傾圮萬曆十三年知州胡尙禮重修

石橋 在州城十里店北

新河橋 在州城西北八十里膠河河因海潮汐消長舊聯舟爲橋嘉靖十年副

使王獻欲通海運置

沽尤橋 在州東八十里夏秋野水泛漲不一難於建橋抵冬水涸伐木爲之夏

秋以筏渡

呂橋 在州東八十里

昌邑縣

陶埠橋 在縣東南八里跨濰水居民自造小橋

石灣橋 在縣東北十五里跨濰水往時每年十月興造各社所費不貲及四五
月拆橋料物一切失落至秋仍費如前大爲民累嘉靖四十五年知縣李天倫
將拆過木料收貯草束令居民領去修造時加息償之量添官銀爲朽壞助勒
石河邊永爲定式民用息肩矣

王耨橋 在縣西南十五里跨浮糠河今置石橋

塔堤橋 在縣西二十里跨張固河居民自造小橋

劉莊橋 在縣東北三十里居民自造草橋

濰縣

通濟橋 在東門外金大定六年僧本敬建一名白浪橋

安定橋 在南門外嘉靖四十四年邑學生宋繼曾倡修

迎恩橋 在西門外嘉靖四十二年道人孫教雲募修

萊州府志卷五

一八

望海橋 在北門外正德年間邑人陳卓創修

臥龍橋 卽石橋在北門外二里跨白浪河俗傳宋藝祖微時東遊浴於下因名
流飯橋 在縣西北二十里創定莫知其由古老相傳水面浮飯一包造橋者食
之因名

一空橋 在縣西北三十里元大德年間建

膠州

乾石橋 在州治東門外

新河橋 在州東三十里

沽河橋 在州東北三十里

雲溪橋 在州南城門外跨雲溪上舊有石橋歲久圯廢成化六年知州毛智鳩
工修之

洋河橋 在州南三十里

石橋 在州城西門外

高密縣

通濟橋 在東門外

鋪東橋 在縣東半里

大呂橋 在縣東十里

王黨橋 在縣東十里

張魯橋 在縣東二十五里

永安橋 在南門外

里仁橋 在縣西四十里

張落橋 在縣西六十里

河流橋 在縣北八里

亭口橋 在縣北四十里跨濰水

萊州府志卷五

卽墨縣

淮涉河橋 在縣南半里

石橋 在縣城南

近西橋 在縣西郭外

遠西橋 在縣西三里

天橋 在縣西南十五里

長直橋 在縣西北三十里

仙人橋 在縣東南五十里太平宮獅子峰下

潑石橋 在縣西六十里

下流河橋 在縣東北六十里

沽河橋 在縣西北六十里歲九月居民合力作之

大橋 在縣東北七十里

驛傳

置郵傳命自昔重之乃其流也僞傳連鑣遊士難問兼之採權旁午緹騎縱橫愈不堪命矣故昔之僉派也不加苦而今之招募也不加寬則所爲察奸恤困在當事者留意也

掖縣

城南驛在南郭內馬十二匹驢八頭車夫四十五名舊有驛丞後裁

朱橋驛在縣東北六十里馬七匹驢六頭車夫三十六名舊有驛丞今裁

平度州

灰埠驛在州西北七十里爲登萊通衢驛設驛丞一員吏一名馬夫二十二名每名銀三十兩車夫三十五名每名銀十兩

昌邑縣

夏店驛在縣東北二十里舊時馬驢車夫驛傳雜差俱係上戶編僉過客分外索

萊州府志卷五

一一〇

求兼以代當人役科歛一年靡費不下三四千金凡遇此差無不傾家隆慶二年都御史姜廷頤撫臨見本縣去驛甚近既有支應可達灰埠驛實爲濫費遂奏請裁革一切供應俱在縣治邑人如解倒懸

濰縣

古亭馬驛今革俱在縣應役中馬九匹驢六頭車夫四十五名

幫貼昌邑夏店驛車夫二十名

幫貼安德等十四驛馬數見本縣志

鋪舍

掖縣

總鋪在南門外街西鋪司一名兵夫六名

東北路通登州鋪八曰淇水曰蘇郭曰平里曰賈鄧曰瑯琊曰朱橋曰諸郭曰金坑

南路通平度膠州鋪四曰十里曰馬邑曰白沙曰夏丘
西路通昌邑濰縣鋪六曰十里曰郎村曰杲村曰英村曰沙河曰儀棠以上各僉
鋪司一名兵夫三名

平度州

總鋪在州城西關街南鋪司一名兵夫六名

東南路通卽墨縣鋪五曰十里曰麻蘭曰六曲曰古現曰花園

西北路通昌邑縣鋪五曰周家曰大場口曰張舍曰新河曰房家莊

南路通膠州鋪五曰鳳臺曰馬丘曰蘭底曰雙丘曰膠河

西南路通高密縣鋪六曰劉野站曰肖場曰丘西曰王家莊曰紀家莊曰亭口店

北路通掖縣鋪四曰石橋曰鄭胡曰蘇州曰高望山以上各僉鋪司一名兵夫三

名

昌邑縣

萊州府志卷五

一一一

總鋪在城南門外鋪司一名兵夫三名

東北路通萊州府鋪五曰黑埠曰夏店曰撫安曰卜莊曰新河

南路通高密鋪一曰北逢

西南路通諸城鋪一曰王耨以上各僉鋪司一名兵夫六名

濰縣

總鋪在城南鋪司一名兵夫六名

東北路通昌邑萊州府鋪五曰趙疇曰朱毛曰寒亭曰牛埠曰王白

東南路通高密膠州鋪四曰王家莊曰佐家莊曰寧家溝曰馬思

西南路通濟南鋪二曰小子河曰黑石

西北路通壽光鋪三曰小子河曰流飯曰田家莊以上各僉鋪司一名兵夫六名

膠州

總鋪在城西門外正南隅鋪司一名兵夫三名

東路通卽墨鋪三日石河曰辛疇曰河東

南路通靈山鋪三日柘溝河曰逢猛曰花林

西路通諸城鋪四曰辛置曰房溝曰譚莊曰生家莊

西北路通高密鋪二曰行上曰魯家莊

北路通平度萊州府鋪三日于家莊曰下于莊曰新河以上各僉鋪司一名兵夫三名

高密縣

總鋪在縣西鋪司一名兵夫六名

東路通膠卽鋪二曰大呂曰紫蘭莊

南路通諸城鋪五曰周家曰辛莊曰拒城河曰朱公曰朱寒

西路通濰縣安丘濟南鋪五曰劉家莊曰呼家莊曰柳家莊曰城陰曰劉家疇

北路通平度萊州府鋪四曰苓芝曰城子曰姜家莊曰亭口以上各僉鋪司一名

萊州府志卷五

一一一

兵夫三名

卽墨縣

總鋪舊在西門外今遷縣治大門西鋪司一名兵夫六名

東北路通萊陽鋪四曰侯家莊曰眼前曰段寶莊曰柘家莊

西路通膠州鋪五曰遠西曰馬山曰信村曰官莊曰潑石

西北路通平度萊州府鋪七日李村曰周家莊曰長直曰段泊欄曰泉莊曰劉家

莊曰高家莊以上各僉鋪司一名兵夫三名

宮室

萊艱木石舊鮮堂構一二存者半在荒頽志之備一班耳

無訟堂 在府治內宋政和三年建石月先生記見舊志

儼思堂 在府廳後洪武八年同知姚文臨建永嘉吳行素記略 萊州郡治後寢有室凡五楹去廳事四十步縱深十三步衡廣二十步有奇翼爲二廂東以爲庖西以爲庫中三楹爲堂規模周飾簷牙高敞翼然有嚴敬之象繚以土垣不事堊鏤室左右二楹爲更衣憩息之所公餘退食無所不宜堂之制亦備矣洪武乙卯秋九月有幕賓請題其楣者行素請以儼思名之禮曰毋不敬儼若思安定辭安民哉伊川程先生曰未出門使民之時此儼若思時也蓋惟其無事之時儼然而若思則存乎中者天理流行而無一息之間以是而臨民豈有弗臧者乎吾當與諸君子服膺斯二字幸勿忽同知姚文臨通判陳志賢經歷邢彥文知事樊睿照磨吳彥祥聞予言肅揖而退曰願受教

萊州府志卷五

一一三

受宣堂 在府城東南隅世傳丘處機修煉于此遼金聘之皆不起及元聘之卽就道郡人因名其堂曰受宣

登瀛亭 舊志稱在府城東南隅宋郡曹杜于民詩意似在海上然不可考矣

海山亭 在府城東北燕臺上嘉靖五年副使馮時雍建大學士毛紀記略 萊郡良隅里許有古臺爲考之郡志爲南燕慕容氏所築號燕臺父老相傳舊名望海疑秦漢間占氣候仙者之所爲也嘉靖丙戌巡察海道憲副碧厓馮公偶於閱武之暇陟而觀之則見神洞諸峯羅于東南渤澥洪濤滙于西北雄峻渾闊之氣悉是會萃乃慨然嘆曰茲一方之勝槩也爰命工氏因其舊基增而拓之廣高加三之一壘石甃甃樹亭其上亭外繚以垣墉可憑可倚前爲石磴縈迴而上若凌虛御風然臺以丈計高不踰三而圍可二十有八亭以尺計高至二十而圍則百餘材用以百計皆取諸公羨人力以千計皆取諸怠逋里閭之下不知有是役也經始于是年二月凡八越月告成公於是援孟軻氏登山觀海之說以名其亭每值

戎憲餘閒時一登焉或芳辰令節與郡之士夫燕會其中把酒長吟凝眸遠眺鯨波蜃氣浩瀚杳靄滄滄濺濺髣髴蕩乎吾之襟次而層巒疊巘蒼翠肆兀相對恍然若超出塵埃之表者至若風清雲淡雨霽霞飛市火村烟林霏鳥語若遠若近出沒不常朝暮之間變態萬狀會心感懷可喜可愕則斯亭之景豈非所謂瑰瑋絕特之稱者哉

瑞蓮亭 在府城西濠萬曆三十年六月知府龍文明以並蒂蓮建

陽關 在府西二里成化二十二年知府戴瑤建爲迎送之所

三山亭 在府城北世傳漢武帝時建以其可望海中蓬萊瀛洲方丈三山故名宋蘇軾有詩

聖水亭 在平度州北聖水池岸成化十年重修

靖恭堂 在濰縣治後燕慕容若禔所建取小雅靖共爾位之意宋吳瓌有記碑刻剝落

萊州府志卷五

二二四

太公堂 在濰縣東南五十里卽太公避紂所居之處

論古堂 在濰縣東宋太守韓浩建劉杲卿記

蓋公堂 在膠州古城內宋蘇軾守膠西時建軾自爲記

歲寒亭 見膠州松山

市集

掖縣

城集十

鄉集九

沙河

郭西

西由

朱流

朱橋

驛道

郭家店

夏

丘鋪

海鄭

神集二

海廟四月初八日

雙山四月十八日

平度州

城集十

鄉集三十有一

麻蘭

古現

金錢山

仲哥莊

冷家莊

日照莊

徐里

萊州府志卷五

一一五

塔丘

門村

張哥莊

辛安

孫鎮

楊家港

張舍

新河

白埠

亭口

蘭底

丘西

許西丘

魯家口

橫蘭

蓼蘭

大城

大駕

蘇村

昌裏

高望山

灰

埠

城子

呂家

神集一

大豁口二次三月二十三日十月初一日

昌邑縣

城集五

鄉集二十有八

夏店

密城

密埠

劉莊

卜莊

宋莊

新河

新興

金臺

任馬

北孟

朱陽

高陽

弋戈莊

趙哥莊

甘棠

丈嶺

新莊

塔兒埠

王耨

龍池

白塔

雙

臺 瓦城 柳疇 門八 潮海 東中
神集一

青山九月初九日

濰縣

城集十有七

鄉集十有五

寒亭 牛埠 南留 木村 太公堂 傅過莊 馬宿
辛冬 馬思 石溝河 望留 流飯 高里 固堤 崇
寨

膠州

城集五

鄉集十有二

萊州府志卷五

一一六

曹文 逢門 王臺 王哥莊 周村 張應 塔橋 上
莊 梁鄉 苑家莊 譚町鋪 馬店

高密縣

城集六

鄉集十有二

景芝 貯溝 拒城河 城律 大呂 東張魯 李仙莊
周家莊 呼家莊 亭口 山甫

卽墨縣

城集五

鄉集十有三

客旅店 靈山 信村 團灣 城陽 欒村 劉家莊
南村 流亭 李村 棘洪灘 長直 王村

堤堰

泥堤 在掖縣西五十五里高厚如阜東西長二十里許相傳元時築

沽河堤 在平度州東七十里萬曆十三年知州胡尙禮築

土龍堤 在昌邑城南二里東接東山西連鳳凰埠一名護城堤

濰水堤 在昌邑城東五里宋時築隆慶三年紅崖北水決大爲邑害知縣李天倫

增築

白浪河堤 在濰縣東門外故爲沙隄年久冲壞萬曆十五年知縣張問達爲三合

土堤長里許甚堅

新沽河堤 在膠州東三十里萬曆十九年知州余邦輔修築

儲卹

哀此窮民王政所先爲之恤其饑寒救其災患扶其疾病收其軀骸彼其一生一死於仁政中亦可無憾矣

掖縣

社倉 共十二處曰朱橋集曰沙河集曰夏丘鋪曰淇水鋪曰杲村鋪曰平里鋪曰朱流曰海鄭曰郭西曰馬邑鋪曰馬家店曰日道各廩三間貯穀

養濟院 在縣治南瓦房十三間草房九間

漏澤園 在城東北乾河之陽後因阻水移於演武場後萬曆二十六年海防道參議于仕廉仍復故地

澤民塋三 一在西南郭外一在陽關西一在漏澤園北俱知府劉任置

瘞孤阡 在城南郊內路東

澤枯處 在陽關迤西路北

萊州府志卷五

一一八

掩骼原 在城北五里墩路東以上俱知府龍文明置

施藥所 在鼓樓前知府龍文明置

平度州

社倉四 曰古現店曰灰埠店曰丘西店曰蘇村店成化年知州蕭墳建今廢 萬

曆十八年知州衛士元建十二處在各鎮店

惠民藥店 卽醫學在東關外

養濟院 在州治西南城隍廟右

漏澤園 在州治東東關外成化八年布政邢知州林恭設今廢

澤民塋四處 知府劉任置

義塚三處 知州衛士元置

昌邑縣

養濟院 在縣治南預備倉巷街北

漏澤園 在縣南二里廢

瘞骨阡六 一城西古城上一城東三官廟後一城南窰頭一城東北曹家溝一城東北本府知府劉任置一城東北御史鍾化民置

濰縣

保赤倉 在縣東南

養濟院 在縣東南預備倉北

漏澤園 在縣北門外半里許郡守劉任建

瘞骨阡 在縣南門外知府龍文明置

膠州

社會 萬曆十八年知州余邦輔建十二所東西二倉改預備倉舊基合爲一所廢七間看守房二間苑家莊一所魯家莊一所王臺社一所周村社一所馬店集一所店口社一所譚疇鋪一所塔橋社一所王哥莊一所張倉社一所逢猛社一所

萊州府志卷五

一一九

每倉各廩三間看守房二間門樓一座

養濟院 在州治西南隅洪武十七年州判韓景裕建

漏澤園 在州治西郭門外

瘞骨阡 在行上社西嶺知府劉任置

高密縣

養濟院 在縣治西

漏澤園 在城南一里

卽墨縣

養濟院 在縣東南成化三年知縣張聞建瓦房五間草房十五間

廣濟所 知縣許鋌立以施藥

漏澤園 在縣東成化十七年知縣王輔創

澤枯處 在縣西

掩骼原 在縣西北

瘞孤阡 在縣東關迤北以上三處俱本府知府龍文明置

萊州府志卷五

帝迹

漢

孝武皇帝 名徹景帝中子也初封膠東王七年立爲皇太子後三年卽皇帝位
昭烈皇帝 名備中山靖王之後獻帝末爲下密丞後帝于蜀

賢哲

周

公冶長 字子長春秋齊人孔子曰長可妻也雖在縲絏之中非其罪也以子妻之
宋加封高密侯從祀孔子廟庭

公皙哀 字季次春秋齊人天下多仕於大夫爲家臣季次鄙之未嘗屈節於人孔
子嘆之宋加封北海侯從祀孔子廟庭

公祖句茲 字子之春秋魯人宋加封卽墨侯從祀孔子廟庭
后處 字子里春秋齊人宋加封膠東侯從祀孔子廟庭

萊州府志卷五

三二一

步叔乘 字子車春秋齊人唐追贈淳于伯從祀孔子廟庭

桃應 孟子門人宋加封膠水伯從祀孔子廟庭

漢

鄭玄 字康成崇八世孫少入太學通京氏易公羊春秋三統曆九章算術又從東
郡張恭祖受周官左氏春秋韓詩尙書西事馬融質諸疑義融曰吾道東矣游學
十餘年歸鄉里生徒數百人黨錮起杜門著書後大將軍何進辟之玄不受朝服
旣見一宿逃去國相孔融屣履造門嘗道遇黃巾賊數萬皆拜相約不敢入境袁
紹總兵冀州舉玄茂才表爲左中郎皆不就公車徵爲大司農給安車一乘所過
長吏迎送玄乃以病自乞還家時袁紹與曹操相距於官渡令其子譚遣使逼玄
隨軍不得已載病到元城縣卒自郡守以下嘗受業者衰絰赴會凡千餘人著述
多傳於世宋封高密伯從祀孔子廟庭

宋

呂祖謙 字伯恭其先東萊人夢奇九世孫從祀孔子廟庭

祖謙行實具載各藝文

萊僻在海畔豈曰名都乃能肇二帝之鴻基被諸賢之顯號不可謂非遇也首表之

宦蹟

置吏以來食吾土者何慮千百其著者僅若而人蓋譜牒無存故其蹟不槩見耳國朝方策足徵口碑具在一節之長一政之善吾不敢遺表有指摘地不三三人不二三語豈曰惡惡短竊懼非其大夫然亦陳人矣

戰國

卽墨三大夫 史失其名其一齊威王語之曰子居卽墨田野闢人民給東方以寧封之萬家其一燕軍破齊獨莒卽墨未下燕引兵圍卽墨大夫出戰死之其一齊王將入秦大夫力諫王不聽竟入秦秦遷之共遂滅齊

漢

董仲舒 廣川人武帝時江都相以廉直爲公孫弘所疾使相膠西王王素驕恣數害吏聞仲舒大儒善待之仲舒事驕王正身率下數諫諍教令國中所居稱治

闕門慶忌 鄒人武帝時魯申公以詩教授慶忌與周霸徐偃等同受業皆以詩顯

萊州府志卷五

一一二

慶忌爲膠東內史周霸爲膠西內使徐偃爲膠西中尉皆有廉節

延廣 爲膠東太守治有異等太初三年遷御史大夫

伏理 東武人時匡衡詩學精邃理與師丹同受詩於衡官至高密傅由是詩有師伏之學

假倉 陳留人受小夏侯氏尙書學於少府張山拊以謁者論石渠至膠東相

張敞 河東平陽人宣帝時膠東盜起徵拜膠東相旣至明設購賞開喻羣盜令相捕斬除罪吏追捕有功者上名尙書調補縣令數十人由是羣盜解散國中遂平

朱邑 廬江舒人宣帝時舉賢良遷北海太守廉平不苛未嘗笞辱人存憫孤老吏民愛之治平第一擢大司農時張敞爲膠東相與邑書曰明主游心太古廣延茂士此誠忠臣竭思時也邑感敞言薦賢士大夫甚多邑居處節儉俸賜給族黨無餘財及卒天子賜百金奉祀

王成 宣帝時爲膠東相治甚有聲勞來不怠流民自占八萬餘口帝下詔褒之賜

爵關內侯

薛宣 東海郟人元成時爲不其丞瑯琊太守趙貢行縣察其廉遷樂浪都尉丞
東漢

童恢 瑯琊姑幕人和帝時爲不其令吏民有犯輒隨方曉諭善者嘉勞之縣境有
虎患捕之獲二虎恢祝虎曰王法殺人者死汝若殺人當服罪否則號呼一虎低
頭瞑目狀如畏懼卽時殺之一虎鳴號自奮遂令放去

楊震 字伯起華陰人延光間守東萊將之郡道經昌邑故所舉荊州茂才王密爲
邑昌令夜懷金十斤遺震震曰故人知君君不知故人何也密曰暮夜無知者震
曰天知地知子知我知何謂無知密慚而去後官至大尉爲宦官及上乳母搆陷
飲酖而死

吳祐 長垣人桓帝時膠東相政惟從簡民有訟輒閉閣自責然後以道譬之人不
忍欺嗇夫孫性私賦民錢市衣進父父怒使伏罪祐問故性具談父言乃使歸謝

萊州府志卷五

一三四

其父安丘母丘長以醉客辱毋殺之祐不忍刑因其無子使妻同宿獄中遂孕至
冬行刑長大感泣投繯死

第五種 京兆長陸人桓帝時爲高密相時徐竟盜起高密介二州間種大積糧儲
勤勵吏士爲守禦計盜聞不敢犯境流民歸者數千家

杜密 潁州陽城人桓帝時爲北海相時宦官子弟率爲令長密察其奸惡者輒捕
按之行部到高密見鄭玄知其異器卽召署郡職

孔融 孔子二十世孫靈獻時爲北海相承黃巾殘破之後收合士民修復城邑崇
學校舉良賢郡人無後及四方游士有死亡者皆爲棺以葬後入爲大中大夫爲
曹操所憚殺於許下妻子皆遇害

三國

王修 北海營陵人初平中爲高密令邑人孫氏素豪俠賊匿其家吏不能執修將
吏民圍之孫懼出賊時膠東多賊復令守膠東邑人公沙盧宗彊不應發調修獨

將數騎徑入其門斬盧兄弟撫慰其餘由是寇少止袁譚在青州辟爲治中從事別駕劉獻數短修後獻以事當死修理之得免又爲卽墨令

晉

石苞 渤海南皮人景帝時歷東萊瑯琊太守所在皆有威惠遷奮武將軍假節青州諸軍事

劉將軍 西洛人永嘉初爲東萊太守時王彌寇青徐守罷遇害將軍當晉室播蕩東土禍亂之際來守是邦有大功德及於民後卒於萊萊人乞留葬立廟祀之

北魏

鄭道昭 滎陽開封人高祖時爲光州刺史政務寬厚不任威刑爲吏民所愛

崔挺 博陵安平人太和間爲光州刺史恩威並著風化大行散騎常侍張彝巡行風俗謂曰入境觀政獨聞清吏之名掖縣老人有美玉獻之挺不受代去老幼追送縑帛亦不納

萊州府志卷五

一三五

崔光伯 清河東武城人肅宗時爲北海太守有司以其秩滿依例奏代明帝嘉其清譽詔更任三年

王由 京兆霸城人爲東萊太守性方介有古士風爲時所服

趙翼 天水人爲平昌太守甚有治稱

裴粲 聞喜人孝武時自驃騎將軍出爲膠州刺史時亢旱土人請禱海神粲據胡床舉杯左右前白例當拜謁粲曰五嶽視三公四瀆視諸侯安有方伯屈禮海神乎卒不下拜爲人閑邁舒雅雖遇朝廷震怒而神色不變時高肇權傾一時朝士遇之望塵趨謁粲惟長揖而已清河王澤嘆曰何代無奇人其風韻可重如此

北齊

王昕 北海人少篤學能誦詩除尙書右曹兵部郎中出爲光州長史遷東萊太守歲凶人相食昕勤恤民隱多所全活文襄稱曰王元景其在吏事遂爲良二千石矣改遷常侍金紫光祿大夫武帝或袒露與近臣戲狎見昕卽正冠歛容楊愔稱

其德業可爲人之師表

鄭述祖 道昭子少聰敏好屬文尙風教爲先達所稱歷官光祿大夫開府儀同三司光州刺史時穆子容爲巡省使嘆曰古人有言聞伯夷之風者貪夫廉懦夫有立志今於鄭光州見之矣百姓歌曰大鄭公小鄭公相去五十載風教今尙同所至皆有惠政

魏愷 代人自散騎常侍遷青州長史固辭文宣大怒曰何物漢子與官不就衆爲愷懼愷容色自若帝曰死與長史任卿所擇答曰殺臣在陛下不受長史在愚臣帝謂楊愔曰何慮無人苦用此漢放還永不敍用後起爲膠州刺史多善政

杜弼 任膠州刺史清靜廉潔吏民懷之在朝多亢直文宣因酒遣使就州斬之尋悔驛追不及天統五年追贈開府儀同三司尙書右僕射諡文肅

鄭雛 滎陽人道昭族孫爲膠州刺史操行清潔

隋

萊州府志卷五

三六

高勵 齊宗室性剛直有才幹齊亡隋開皇七年轉光州刺史豪滑屏迹路不拾遺以善政稱上平陳五事帝嘉之及伐陳以勵爲行軍總管有功拜上開府

來護兒 江都人爲平壤行軍總管兼檢校東萊太守率樓船抵倉海入自涓水去平壤六十里高麗閉城不敢出會楊玄感反護兒曰洛陽被圍腹心之疾高麗逆命癰疥耳公家之事知無不爲專擅在吾逆令者軍法從事卽日回軍遣子弘馳奏帝甚悅降璽書勞之曰公旋師之日是朕勅公之日君臣意合遠近同符於是破玄感斬之加開府儀同三司封榮國公

宇文愷 京兆人任萊州刺史有能名好學博覽多技藝有巧思累官開府工部尙書爵安平公進位金紫光祿大夫卒諡廣

唐

仇源 太宗時爲卽墨令築堤防水民享其利

趙弘智 河南新安人太宗時爲萊州刺史父事兄弘安俸祿悉歸之後復拜光州

刺史

王義方 泗州連水人顯慶間爲侍御史欲彈李義府先白母曰義方爲御史視奸臣不彈則不忠彈則身死而憂及於親則不孝奈何母曰王陵之母殺身從順汝能盡忠疾惡吾死不恨義方乃奏貶萊州司戶不復調往客昌樂聚徒教授母喪隱居不出

崔神慶 武安人舉明經武后時遷萊州刺史歷官有佳政擢拜并州長史

寶琰 武后時爲北海令甚有治聲穿渠引白浪河水曲折三十里以溉田號爲寶公渠

唐府君 景雲間爲萊州刺史有德政碑在府治外東廊文字殘缺不可讀其名亦無考

李邕 揚州江都人開元中爲淄州刺史上計京師以讒媚不得留出爲汲郡北海太守邕早有名重義愛士李林甫忌之坐以罪詔就郡杖殺之杜甫知邕負謗死

萊州府志卷五

一三七

爲作八哀詩邕前爲陳州刺史爲張說所惡抵罪許昌孔璋上書願代邕死其感慕當時之人如此

趙居貞 天寶間爲北海太守文章政事名重一時

滕蓋 婺州東陽人唐大曆二年明經科及第刺萊州有惠政終禮部侍郎

五代

張歸霸 清河人梁太祖時秦宗權攻汴歸霸數戰有功遷萊州刺史後徙曹州所在有威惠

宋

楊美 并州文水人太祖時知北海軍事政尙簡易民皆德之及召還民詣闕乞留不報遷恩州團練使

許仲宣 青州人太祖時知北海軍度其形勢可爲州郡圖上之遂陞爲濰州

蔡綰 洛陽人爲膠水令專尙德化不事刑威春秋循行阡陌勸課農桑有古良吏

風民愛之不忍去遂家焉齊其曾孫也

李斌 青州人淳化中萊州團練使勤於政理人服其清慎

崔頤正 封丘人明經術太宗時爲高密尉國子祭酒孔維薦之遷國學直講

曹瑋 真定靈壽人真宗時簽書樞密院事爲丁謂所惡出知萊州卽日上道從弱卒十餘人不以弓矢自隨謂敗復華州觀察使

郭勸 鄆州須城人仁宗時通判萊州部民霍亮爲讎人誣死罪吏受賂傅致之勸爲辨理得免擢殿中侍御史後復知萊州歷齊淄鄆單四州

張揆 齊州歷城人仁宗時知掖縣民訴旱於州拒之揆自奏聞詔除登萊稅

張旨 河內人仁宗時知萊州葉清臣舉其才堪將帥范仲淹歐陽修復薦其勇敢有謀略改知邢州

張燾 臨濮人仁宗時知濰州濰多圭田率計畝徵絹而蠲河役燾不肯踵例廢法還其役入損於舊五之四且命吏曰吾知守己而已無妨後人汝勿著爲式

萊州府志卷五

三三八

蘇軾 字子瞻眉山人神宗時爲膠西太守政尙簡易吏民懷服

宗澤 金華人哲宗時知掖縣部使者持旨市牛黃澤報曰方時疫癘牛飲其毒則結爲黃今和氣橫流牛安得黃使者怒欲劾邑官澤曰此澤意也獨御以聞

仇恣 益都人徽宗時爲高密丞攝縣事剖訟如流事無淹夕民至懷餅餌以俟決遣州命恣攝司錄旣行邑民萬餘邀留遂擁歸縣盜起萊密間戒其黨毋犯其境民賴以安

金

胡嵩 世宗時爲卽墨令政務修舉嘗破妖狐時人稱之有異政碑

蒲察蒲查 世宗時爲濰州刺史以廉遷博州防禦史

房周卿 章宗時爲膠西主簿常捐俸市地建學一時生徒賴以振作

元

隋寶 萊陽人太宗時爲萊州節度判官改高密令所至有能名

劉秉恕 邢州人世祖時爲萊州總管有死囚六人獄已具秉恕疑之詳讞得其實
六人賴以不死所至有惠政

李恆 世祖時李壇歸宋恆棄家入告變壇怒繫恆闔門於獄壇死始得出世祖嘉
其功授淄萊路奧魯總管併償其所失家資尋改益都淄萊新軍萬戶

董守中 莘人爲卽墨令興利除弊信賞必罰邑中兵籍肆害按賊聲罪莫不畏避
有使巡海上荒淫無忌從者夜入民家索獲竟坐之法廉平不苛有古循吏風去
後民爲立碑

李鐸 般陽路人爲膠水縣尹廉明威信雅重文學士民愛慕鄰郡饑省司選鐸乘
傳賑給全活甚衆鄰郡訟不平者多來質成有去思碑

林鶚 爲膠州倅勤於撫字時有告虎傷人及食牛爲害者鶚禱於神虎皆遁去民
得其安

張世昌 蒲姑人爲高密尹興學校勸農桑抑豪右賑貧乏讞囚得情民賴其惠旣

萊州府志卷五

三九

去人思之爲立碑

普顏不花帖木兒 至正間爲宣慰使監膠西敦禮義興學校境內大安民戴其德
姜伯源 至正間爲膠水縣尹誠信愛人歲饑竭力賑濟民得全活部使催科苛刻
他縣多受其害伯源辯之以理得免有去思碑

秦裕伯 大名人爲高密尹惠利及民聽斷敏決吏無留牘修堤以防水患興學以
陶人才凡有經營而民不擾邑人立碑頌之

國朝

吳道南 字宗甫江西貴溪人癸酉舉人歷任兵部郎中嘉靖十八年任巡察海道
副使崇儉樸敦信義楊清激濁恤民練兵罷新河議民賴息肩至今尸祝之

潘恩 字子仁上海人癸未進士嘉靖二十年任巡察海道副使清正和厚吏畏民
懷癸卯省試充監試以試錄文得罪 廷杖降調再起仕至都察院掌院左都御

史

陳瓚 字敬夫直隸獻縣人丁未進士嘉靖四十一年任巡察海道副使自奉甚儉薄不苟一介取與法在必行豪強無敢犯者一時屬吏廩廩循理焉後官至掌院左都御史

周怡 直隸太平人進士爲給事中嘉靖間以建言謫隆慶初年起任巡察海道僉事講學勤政士民稱之無何遷國子監司業

劉有誠 字存甫山西寧鄉人丙辰進士萬曆元年由陝西提學副使陞分守參政嚴以飭吏寬以御民一時貪殘解綬豪右斂跡卒于官民塑像祀之今入名宦

郝杰 山西蔚州人丙辰進士萬曆四年任分守參政博大端方不事一切瑣細而法行政舉未久升去歷官南京兵部尙書

沈九疇 浙江鄞縣人丁丑進士萬曆二十一年任分守參政安靜不苟時平度饑民鼓煽幾至大變九疇單車赴之擒治渠魁事賴以定平度人甚感之

董俊 太原人知萊州府爲政廉平寬猛得宜民樹碑頌之

萊州府志卷五

四〇

夏昇 直隸鹽城人由開元令超陞萊州知府廉公自持杜私謁革侵漁數年間百廢具舉民至今稱之

崔恭 直隸廣宗人由進士知萊州府尙德化緩刑罰政平訟理遠近悅服值歲饑發倉粟賑貧民存活者甚衆飛蝗入境禱於神蝗皆入海死民感其德立祠祀之官至吏部尙書

段堅 陝西蘭州人器識宏遠持守剛正以恆綱常自任由福山令超陞萊州知府吏畏民懷士風丕變關中學者咸宗仰之所著有容思齋文集行於世

薛璘 河津人由進士知萊州府仁明節儉惠利及民期年卒於官民悲號如喪父母先知兗州以萊州守易之兗民歌曰誰將萊州土換我兗州金其得民愛慕如此

戴瑤 汝陽人由進士知萊州府性機警除奸剔蠹鋤強植弱興廢補墜一時政譽赫然凡有建立民不知勞郡人至今稱之

李棨 直隸任丘人弘治間以光祿少卿謫青州同知尋擢知萊州始至捕劫盜六十餘人時勾稽屯地成衛欲移患於民或議牧馬於萊又有獻地衝藩者皆力爭以免招來流徒數千人葺學舍勵生徒萊人刻石頌德越八年上疏乞歸陞山東右參政致仕

楊志學 湖廣長沙人由進士知萊州府性度寬洪政尙平易涖任三載恩禮周洽民到于今思之

張師載 潛江人進士嘉靖三十六年知萊州府以剔垢恤隱爲治舊薪芻諸費悉取之里甲師載一切罷之歲省不下千金每旱步禱海廟輒有應調停一郡苦役甚多民愛若父母爲立生祠

楊起光 直隸欒城縣人已未進士隆慶三年由兵部郎中知萊州端莊簡默不喜爲譸張而事至立剖無不得情者自奉尤清約一蔬不妄取陞陝西副使調貴州卒於官家無餘物妻子不免饑寒云

萊州府志卷五

四一

任經 陝西商州人通判萊州性剛正居官以廉介自守每遇春躬詣田野教民樹藝九年無倦任滿去民遮道請留

劉信 直隸魏縣人由舉人任萊州府推官正德七年署濰縣時城池殘破人民驚惶信單車入城撫慰遺民示以大義人始有固志又以城池傾圮難以持久乃計地分工親臨監督不五閱月城工告完自是濰人安堵

趙思誠 山西樂平人由乙丑進士爲萊司理政體清嚴尤長推鞠時膠州欒侍御舉家爲家奴桂所殺同事方羅織無辜幾成冤獄思誠一讞得情桂等皆伏誅萊人至今神明之

以上道府

許昕 直隸長洲人由舉人成化二十二年知掖縣明敏有爲政事修舉民愛慕之李守經 河南汝陽人由舉人弘治四年知掖縣平易惠和不事苛刻衆服悉舉去之日民泣送之官至平樂知府

曹岐 錦衣衛人由進士弘治十六年知掖縣寬恕廉明有古賢令風擢監察御史
陳嘉言 陝西西安人由進士正德十一年知掖縣明敏寬恕振廢墜節財用去任
已久民猶思之

王夢弼 代州人由進士嘉靖十五年知掖縣有守有爲不寬不苛四民安業百務
俱興雖去今幾七十年不能詳其行事然聞之父老則從來掖令未能先之選給
事中官至總督都御史

侯廷訓 浙江人由進士授吏部主事嘉靖間以建言謫掖丞不阿長吏百凡爲民
任怨人至今稱之

以上掖縣

潘中 山西沁水人洪武間知膠水縣公平簡介吏民悅服以內艱去民有以騾送
之者抵家乃償其賃時稱其廉

鄒濟 浙江錢塘人永樂年知平度州廉簡厚重吏民安之官至少詹事

萊州府志卷五

四二

張福 字天錫山西蒲州人由舉人天順間知平度州律已廉介鋤強扶弱時稱良
吏尋陞大名知府民立祠祀之

林恭 字子敬陝西寶雞人由舉人知平度州嚴明威信吏胥畏服積粟數萬歲歉
民賴以濟秩滿民乞留三年陞知順德府

宋禮 字以和河南葉人由舉人知平度州持身端謹泣政嚴明興學校增戶口令
行禁止道不拾遺居官八年治爲東藩第一卒於官民號泣如喪考妣至今思慕
不忘

雷子堅 陝西綏德人知平度州剛介廉潔不畏彊禦值流賊劫掠繕城池治器械
賊見有備遂引去民賴保全因抗論將帥失利當路惡之落職行間出所貯白金
五百兩於官能不污如此

周思兼 直隸華亭人進士嘉靖間知平度州持身清嚴愛恤百姓尤加意學校一
時士風大振尋陞吏部員外去後州人思慕建祠祀之今入名宦

以上平度州

陳文 汝州人成化九年知昌邑縣有爲有守值歲不登多方救濟民賴全活者甚衆與士子討論文義久而益篤蓋其性所嗜云

孫榮 山陽人弘治十二年知昌邑縣持身廉介不阿上官滿去老穉涕泣送之

李天倫 廣西宣化人舉人隆慶元年知昌邑縣嚴明精練興學校節里甲飭公署修橋梁鋤強立弱剔蠹摘奸善政卓絕陞戶部主事民立生祠

馬伯行 吳江人永樂二年任昌邑縣丞爲政廉平人不敢干以私粗衣糲食不以貧動心其妻乘間言曰公居官澹泊如是何以遺子孫伯行怒曰爾欲使我爲善耶爲惡耶妻慚服今入名宦祠

張憲 閩縣人由舉人任昌邑教諭秉性剛毅貫穿經史與諸生講究朝夕不倦教化大行陞翰林孔目士皆飲泣不忍別

徐文鴻 莆田人任昌邑訓導問學博洽教規嚴整雖祁寒盛暑必衣冠危坐與生

萊州府志卷五

四三

徒講論不輟士多賴以陶成陞合肥教諭

以上昌邑縣

宋兌 麻城人舉人成化間知濰縣修舉廢墜有良吏風爲東方賢令第一民感德政立祠勒碑

安祐 字子吉眉州人進士弘治間知濰縣谿達廉介悉意愛民民狎其恩歷三載陞刑部主事去之日百姓徬徨悽惋不忍去

以上濰縣

趙禮 洪武初知膠州清修雅重動循禮法吏不敢欺修舉廢墜規模宏遠境內大治

仇鎮 汾西人由舉人正統十三年知膠州有才能甘淡泊因民田低窪謙薄累欠租賦奏免稅糧一萬七千餘石後陞贛州知府去之日行李蕭然民至今懷之祀

名宦

董鼎 通州人天順六年由舉人知膠州躬詣阡陌教民耕耘歷鄉塾爲民講學每遇亢旱致禱有應民稱其惠焉祀名宦

毛智 杭州人由舉人成化六年知膠州政尙簡易境內晏然秩滿而去後人思之
林璿 長樂人由進士成化間知膠州明敏果斷寬猛適宜政務罔不修舉

李學禮 潁州人由進士隆慶四年知膠州爽毅有爲民間疾苦多祛除之州舊糧多飛詭其清文明悉絕無欺隱自是地畝清賦稅定民至於今受其賜歷陞參政
王琰 解州人由舉人隆慶六年知膠州清介嚴明意在鋤強暴而加惠窮民事有妨於民雖貴倨干之亦謝不從尤善發人奸狀無能遁情者任三載盜賊屏跡遊惰歸業陞漢陽府知府去小民至今思之

孫絃 鄆縣人由進士擢御史風裁凜然成化間劾奏權幸謫判膠州仁愛廉恕終始如一吏民懷服尋陞廣德知府

宋偉 唐縣人由歲貢隆慶四年爲膠州判官性簡重催科得法不事鞭朴而事皆

萊州府志卷五

四四

辦理尋陞鄒平知縣

王振宗 慈谿人由舉人永樂間任膠州學正德行純正學問淵源勤於教人多所成就尤長於詩賦九年卒於官生徒悲傷有扶柩至家者祀名宦

任綸 元城人永樂間由舉人任膠州訓導經明行修勤於訓誨陞魯府紀善

袁隨 南通州人由舉人嘉靖三十二年任膠州學正有師道以戴氏禮名家諸生多有從受戴氏禮者丙辰與計偕中第四名歷官布政使

以上膠州

林茂 武清人正統間由舉人知高密縣廉靜寡欲幹濟勤勞百姓思慕不忘

劉章 衛輝人成化間由進士知高密縣廉明仁恕興利除害銳意學校士多感悅

擢監察御史

高鳳 井陘人成化間由舉人知高密縣政尙愷悌勤於幹治修理倉廩積儲不朽

邑民賴之

劉鳳儀 襄垣人弘治間由進士知高密縣興學育才招撫流亡二萬餘戶時旱蝗爲災禱神甘雨屢降蝗赴海死遷去民不能忘立去思碑

蕭昱 字用光浙江山陰人弘治間以貴溪令補任高密招流亡爲鑄農器使耕曠地緣河修堤濬溝人得盡力耕墾隣邑有重獄長吏每檄昱驗問多所平反後以病卒於官邑人號泣送之有及淮而後反者初在貴溪多善蹟業入名宦家居孝母母喪明以舌舐之復見昱平生仁孝世不多得也

以上高密縣

王瓚 萬全人弘治十一年由舉人知卽墨縣廉潔鯁直事至立判後卒於官貧無以爲斂人甚悼之爲之立碑

湯明善 字汝一江陰人舉人嘉靖三十九年以長興教諭知卽墨縣獎節義折豪強均徭役清訟獄闢學路葺城垣百務並興尤先民事在任七年轉嚴州別駕百姓立生祠祀之

萊州府志卷五

四五

周岐鳳 吉水人洪武間由教職任卽墨主簿通達治體遇事敢言先服闋在京言經國利民四事承委登州釋死罪四十五人民間利害獲奏允者甚多歷陞職方員外郎年七十致仕卒於家

以上卽墨縣

名臣

道德功業爲赫古今所稱千載人也區區鄉國之士何敢附焉傳名臣

漢

王吉 字子陽皋虞人舉賢良爲昌邑王中尉王好遊獵吉上疏諫之弗聽霍光迎王立之吉卽奏書戒王王果以淫亂廢昌邑羣臣坐不與奏王罪過下獄吉以忠直數諫正得減死後復徵爲博士諫大夫是時宣帝頗修武帝故事宮室車服盛於昭帝時外戚許史王氏貴寵而上躬親政事任用能吏吉上疏切諫帝以其言爲迂闊遂謝病歸

王駿 琅邪皋虞人吉之子受易於梁丘賀以孝廉爲郎左曹陳咸薦駿經明行修匡衡舉駿有專對才遷諫議大夫成帝欲大用之出駿爲京兆尹試以政事先是京兆有趙廣漢張敞王遵王章及駿皆有能名故京師稱曰前有趙張後有三王後代薛宣爲御史大夫至丞相

萊州府志卷五

四六

鄭崇 字子游高密人爲丞相大車屬哀帝擢尙書僕射數諫爭每見曳革履上笑曰我識鄭尙書履聲久之上欲封祖母傅太后從弟商崇諫曰孝成皇帝封親舅五侯天爲赤黃晝昏日中有黑氣今祖母從昆弟二人已侯無故欲復封商壞亂制度逆天人心非傅氏福也臣聞逆陽者厥極弱逆陰者厥極凶短折犯人者有亂亡之患犯神者有疾天之禍故衰世之君夭折蚤歿此皆犯陰陽之害也臣願以身命當國咎崇因持詔書案起傅太后大怒曰何有爲天子乃反爲一臣所顛制邪上遂下詔封商爲侯崇又以董賢寵過度諫由是重得罪尙書令趙昌佞譖素害崇因奏崇與宗族通疑有姦請治上責崇曰君門如市何以欲禁切主上崇對曰臣門如市臣心如水願得考覆上怒下獄窮治死獄中天下哀之

晉

劉毅 字仲雄東萊掖人有孝行勵清節太康初爲司隸校尉糾正豪右京師肅然武帝嘗問朕可方漢何帝對曰桓靈帝曰吾卽不德以桓靈方不亦甚乎毅曰桓

靈賣官錢入官庫陛下賣官錢入私門以此言之殆不如也帝笑曰桓靈之世不聞此言今朕有直臣固爲勝之毅方正亮直正色立朝累遷尙書左僕射

宋

蔡齊 字子思膠水人舉進士第一儀狀俊偉真宗見之曰得人矣除將作監丞直集賢院仁宗初兼侍御史太后崩遺詔以楊妃爲太后裁制軍國事齊白執政曰上春秋富豈可使女后相踵稱制乎郭皇后廢將立富人陳氏女爲后齊極論之拜禮部侍郎參知政事屢進讜言以與夷簡不相能出知穎州後判濰州民有告某氏僞刻印爲好事已逾十年蔓延數百人齊縱其獄得減死十餘人濰人德之風化大行卒贈兵部尙書諡文忠

吳奎 字長文濰人舉五經拜監察御史轉樞密副使資政殿大學士同知諫院除參知政事出知青州司馬光言奎名望素重不當罷去乃召復職既而論王安石新法不便仍出知青州卒贈兵部尙書諡文肅奎少貧既貴治田爲義莊以周族

萊州府志卷五

四七

黨朋友卒之日殯葬不能成禮

辛次膺 萊州人高宗時爲右正言力諫和議爲秦檜所怒流落者二十餘年孝宗卽位召爲中丞次膺每以名實爲言多所裨益帝呼其官而不名若成閔湯思退葉義問皆被論罷每章疏一出天下躑之渡江以後直言之臣稱次膺爲首尋同知樞密院事拜參知政事次膺孝友清介立朝謇諤歷任五十年無纖毫掛吏議爲政貴清靜先德化所至有聲

國朝

黃福 字汝錫昌邑人洪武中以鄉貢擢龍江衛經歷上書論國大計超拜工部侍郎永樂間陞刑部尙書交趾平往鎮之交人戴之如父後代歸交人復叛福佐師征之失利交人獲福拜且泣護送出境累遷少保屢上疏論事皆切時務憂國忘家老而彌篤卒之日家無百緡諡忠宣

儀智 高密人洪武初由薦舉爲本縣及莘縣學官陞知高郵州永樂初知寶慶府

寬平得民未及期召拜右通政兼右春坊右中允轉湖廣右布政使以事謫流未幾徵拜禮部左侍郎不任以事專令輔道東宮多所啓沃歷十四年致仕年八十卒於家贈太子少師諡文簡

儀銘 高密人智之子天性易直篤於孝友任兵部給事中陞翰林院編修脩廟實錄書成陞侍講正統間北虜犯順公謀謨征伐之力居多轉南京禮部侍郎累遷兵部尙書兼太子太保卒贈光祿大夫左柱國太師諡忠襄

毛紀 字維之掖人成化丙午舉鄉試第一丁未登進士改翰林庶吉士授檢討歷官禮部尙書兼大學士入閣典機務 武廟數巡幸紀居守每上疏懇請迴鑾武廟大行同楊廷和等擒逆彬定策迎立 世廟後以議大禮忤旨力稱疾求去既歸杜門不出士紳道掖上罕見其面卒之日諸子析爨屋止數椽地不過數十畝至不能自給焉

劉應節 字子和濰人由進士授戶部主事出守懷慶再守順德潔己惠民在在尸

萊州府志卷五

四八

祝之備兵井陘所部兵以煤炒銀後時呼諫以一言定之撫河南立願役練兵法至今稱便歷陞刑部尙書以議開膠萊河忤柄臣遂求歸既歸山居靜攝絕口時事遠近仰之應節立朝清介卒之日家無長物其居鄉與人油油然絕不可干以私也惜未易名

春秋戰國南北金元之間豈無功業表於一世者顧所事或非其主行事間有詭於正故多遺之而帝臣王佐無媿名教者錄焉

萊齊東奧區山海之秀鬱爲人文後先相望蒸蒸盛矣舊志槩爲人物則高賢亮德未易比肩而一節一行又何可令其沒沒也故準他郡類見之

周

甯戚 齊人未遇時嘗飯牛車下扣角而歌齊桓公聞而賢之舉以爲大夫管仲曰墾草入邑辟土聚粟多衆盡地之利臣不如甯戚請立爲大司田授以卿位與管仲同秉政而齊大治墓在平度

晏嬰 字平仲夷濰人相齊景公食不重味妾不衣帛祀先豚肩不揜豆一狐裘三十年其在朝君語及之則危言語不及之則危行雖嘗爲相然知陳氏必有齊國乃聽季扎之言納邑與政及其間也從容風議時有所匡救焉

漢

婁敬 膠西人戍隴西過洛陽衣褐謁高帝請都關中拜郎中賜姓劉匈奴入寇欲

萊州府志卷五

四九

擊之敬言不可帝不聽遂被圍白登用陳平計方解歸謂敬曰吾不用公言至此乃封敬關內侯

王崇 駿之子以父任爲郎歷刺史郡守有能名建平中爲御史大夫坐論安成恭侯詛呪左遷大司農平帝初封扶平侯時莽秉政崇謝病莽遣就國崇祿位彌隆好飾車服及遷徙去囊無餘蓄天下服其廉而怪其奢

司馬均 字少賓掖人隱居教授不應辟命信誠行乎鄉里人有爭競輒曰寧爲官府所加而敢質少賓乎不直者終無敢言後位至侍中嘗督關中兵甚有紀律以衰老歸詔賜大夫祿

王扶 字子元掖人少修節行客居不其所在人化其德相國張宗謁請不應欲強致之杖策歸鄉里太傅鄧禹聞其賢辟致之拜議郎永平中劉復著漢德頌盛稱扶爲名臣

公沙穆 字文父膠東人習韓詩公羊春秋尤銳意河洛推步之術隱東萊山富人

王仲以百萬金與穆爲資穆曰富貴在天得之有命以貨求位吾不爲也後舉孝廉爲主事遷繪相繪侯劉敞多不法穆到官卽開譬之轉弘農令有善政有六子時人號曰公沙六龍天下無雙

滕延 字伯行北海人爲濟北相時中常侍侯覽小黃門段珪在濟陰與濟北相近僕從賓客侵犯百姓劫掠行旅延一切收捕殺數十人陳屍道路覽珪大怒訴於帝坐免後爲京兆尹有能名

三國

孫乾 字公祐北海人先主領徐州辟爲從事嘗遣乾結袁紹及將適荊州乾又與糜竺俱使劉表皆如意指先主定益州乾自從事中郎爲秉忠將軍見禮次於糜竺

徐幹 北海人清安體道不耽世榮通五經爲文敏捷魏太祖特加旌命除上父長不就文帝與吳質書曰偉長懷文抱質恬淡寡欲有箕山之節可謂彬彬君子矣

萊州府志卷五

王基 字伯輿曲成人魏中書侍郎時盛修宮室基切諫嘗從征毋丘儉畫策平賊遷鎮南將軍後封東武侯史稱其學行堅白垂稱著績國之良臣

晉

侯史光 字孝明掖縣人授學於劉夏舉孝廉爲散騎常侍兼侍中與皇甫陶苟廙持節下郡邑循省風俗及還奏事稱旨進爵臨海侯時太保王祥久疾廢朝光請罷之累還少府卒家貧詔賜錢五十萬

劉噉 字長升掖人毅之子正直有父風累遷侍御史武庫火尙書郭彰率人自衛而不救火噉詰之彰曰我能截君角噉勃然曰君何敢恃寵作威福天子法冠而欲截其角乎彰伏不敢言後爲左丞正色立朝三臺清肅

劉胤 字承胤掖人美姿容善交時豪舉賢良辟司空掾並不就會大亂攜母避地遼東依冀州刺史邵續續謀降石勒胤勸其仗大順以激義士之心續從之使江南帝命爲丞相參軍王敦欲請爲司馬胤引疾不視事出爲豫章太守按南土豪

族以法預平蘇峻以勳錫爵豐城子

徐苗 字叔胄淳于人累世皆以博士爲郡守苗少家貧晝執鋤未夜吟誦弱冠與弟賈就濟南宋鈞受業遂爲儒宗作五經同異評性抗烈輕財貴義弟患口癰膿潰苗爲吮之兄弟皆早亡撫養孤遺慈愛聞於州里田宅奴婢盡推與之鄉鄰有死者使輟耕助營棺槨門生亡于家卽斂於講堂遠近咸歸其義辟舉並不就武惠時計吏至臺帝輒訪其安不永樂二年卒遺命濯中幹衣榆棺雜磚露車載尸葦席瓦器而已

南北朝魏

唐永 北海平壽人祖揣北海太守父倫青州刺史永少耿介有將相才讀班超傳慨然有萬里之志爲北地太守遷幽州刺史有善政邊陲寧謐及受代夷人擁道泣留數日始得出境封平壽伯子陵以武藝異等遷車騎大將軍

南北朝周

萊州府志卷五

一五一

唐瑾 永次子溫恭有器量博涉經史其仕周累官司空中大夫進爵臨淄伯爲六俊之最甚見器重祿賜之入卽頒給宗族家無贏餘卒諡曰方

段文振 北海期源人少有膂力膽氣過人性剛直明達世務初仕周拜柱國入隋諫煬帝寵突厥從伐陳以戰功累遷光祿大夫征高麗卒於軍贈左僕射諡曰襄子諡官至武牙將

高構 字孝基北海人性滑稽多智辯好讀書工吏事徵拜戶部侍郎斷析合理上以爲能賜米百斛歷雍州司馬以明斷見稱三爲吏部侍郎典選皆出其下時人以構好劇談頗類輕薄然內懷方雅所舉如房杜名臣皆致公輔論者謂有知人之鑒

唐

張允濟 北海人仕隋爲武陽令元武民以牸牛依婦家孳十餘犢將歸婦家不與民詣允濟訴之允濟令縛民蒙首過婦家云捕盜牛者盡出其物質所來婦家不

知遽曰此壻家牛也左右撤蒙曰可以此牛還壻婦家服罪行人有遺袍者人曰吾境未嘗拾遺還取之果得舉政尤異遷高陽郡丞賊帥王須拔攻郡糧屈吏食槐葉藁節無叛者貞觀初累遷刑部侍郎封武城男卒

蔣欽緒 萊州膠水人工文辭舉進士第歷太常博士中宗始親郊祭酒祝欽明建言皇后應亞獻欲媚韋氏詔禮官議獨欽緒抗疏不可諸儒壯其節累遷汴魏二州刺史欽緒精治道馭吏整嚴所至多政績官至吏部侍郎

蔣沈 欽緒之子博學有名以孝廉授洛陽尉與兄演浴弟清俱爲才吏乾元中歷四縣令美政流行郭子儀軍出其境勅麾下曰沈賢令供億得蔬食足矣毋撓其清也累遷大理卿持法明審時論稱平德宗出奉天奔行在爲賊所拘誓死弗變京師平擢右散騎常侍

王無競 字仲烈東萊人太尉弘之遠裔家足於財負氣豪下筆成章調樂城尉三遷監察御史改殿中會宰相宗楚客楊再思離立偶語無競楊笏曰朝禮尙敬公

萊州府志卷五

五二

等大臣不宜慢常典客怒改無競太子舍人後詆權倖出爲蘇州司馬

五代

呂夢奇 萊州人侍唐累官戶部侍郎子龜圖周起居郎徙家河南龜圖弟龜祥宋殿中丞知壽州因家焉龜圖子蒙正爲宰相蒙休舉進士官至殿中丞龜祥子蒙亨舉進士累官大理寺丞蒙巽虞部員外郎蒙周進士及第蒙亨子夷簡爲宰相

宋

宋搏 字鵬舉掖人明經術開寶間歷濰州司理參軍鞠礪薦其能遷右贊善真宗時爲河東轉運使上言大通監治鐵盈積可備諸州軍數十年鼓鑄願權罷採以紓民又請料諸州丁壯爲兵以增戎備在任十一年經制漕運以幹治稱屢以秩滿請代朝議以搏善於其職加祠部郎中

楊澈 字晏如北海人幼聰警建隆初舉進士歷青州司戶參軍鞠獄平允無所阿畏太祖知其名召試禁中改著作佐郎出知渠州令就大將曹彬分兵以行旣入

境僞帥郭再興擁兵自固澈單騎趨壘諭以威信再興屈服土豪黎羅二姓相聚謀亂澈平之累官度支郎中

蔡延慶 字仲遠齊之從子舉進士歷開封府推官進龍圖閣直學士攝熙帥元夕張燈羗乘隙伏兵舉火內應延慶覘知悉斬以徇禁疆吏剽攘夏氏悅服所至有惠政官至吏部侍郎

孫敏 濰人有智慮居官不畏權勢彈劾交上拜濠梁節度使遷海南都轉運使傅敞 字次張濰縣人博學能文爲鄆州太守鎮撫邊陲供用弗匱

耿峻 高密人好學通六經初授縣尉繩奸扶弱綽有能名再任昌樂主簿斷獄治賦吏民感服卒贈洗馬

李簡 高密人天性明敏志氣遠大由舉人初知壽州尋鳳翔府同知操履廉平臨事不苟久旱歲饑至誠禱神卽大雨民稱頌之

滕中正 字普光北海人顯德中滑帥向拱辟爲記室以員外郎侯陟薦入爲殿中

萊州府志卷五

一五三

丞太宗寵遇極隆雍熙春大宴上歡甚命中正勿劾羣臣有酒失者乾明節上壽酒三行復目中正曰更舉一卮可乎其見重如此中正性峻刻權中丞日振舉綱憲人以稱職許之終知河南府二子玄賜玄晏並舉進士

孫祖德 毓之子少警悟第進士爲殿中侍御史上疏論章獻太后當還政復論郭太后不當廢世稱其鯁直歷官吏部侍郎子珪江東轉運使

王俊民 掖人嘉祐六年進士第一釋褐廷尉平僉書徐州節度使判官

侯蒙 字元初高密人舉進士歷殿中侍御史因星變疏十事徽宗納之西師失利帝怒責五路將十八人皆欲寘之死蒙被旨按問力爲申理釋之歷陞中書侍郎與蔡京不協補外卒諡文穆

綦崇禮 字叔厚高密人徙北海幼穎異善爲文爲起居郎攝給事中召試政事堂頃刻爲封誥三篇詞翰奇偉上嘉之拜中書舍人兼權直學士院除吏部侍郎兼翰林學士從高宗南渡所撰詔命數百篇文簡意周得代言之體草秦檜制顯著

其惡無所隱諱檜憾之故身後所得恩澤其家畏懼不敢陳所著有文集六十卷

徒單克寧 幼名習顯其先金源人後徙掖資質渾厚寡言笑善騎射通女直契丹

文字有勇略累樹大功官至丞相帝甚重之拜太師卒諡忠烈

元

正倚 字輔臣掖人孝友樂易讀書務躬行不事章句世祖選入侍東宮時年弱冠儀觀獨偉太保劉秉中甚重之後爲工部尙書皇孫出鎮懷孟帝以倚佐之及辭帝目送之曰倚修潔人也右左皇孫得人矣改授禮部尙書封太原郡侯卒諡忠肅

范德郁 成進孫兄德質拜東平總管府判官德郁以才行發身省掾爲宣慰都事尋任浙江理問廣咨詢寬冤滯轉兩浙都運使國計奏功召拜刑部尙書

國朝

萊州府志卷五

五四

殷哲 膠州人洪武初鄉貢有才識累官中書左丞時論重之

王璉 昌邑人洪武間由儒士舉任本學訓導歷陞甯波知府杜私謁清吏弊以造就人才爲急或夜分至學察諸生勤惰毀郡中淫祠以葺公宇僚屬以神禍止之璉曰吾欲正人心耳神禍非所懼也卒毀之性廉介儉約廚無甘美妻以俸米易羹璉令埋之郡人稱爲埋羹太守去之日行李蕭然迄今甯波及本縣各立祠祀焉

楊可久 膠州人居家孝友學問宏博州人師之一時縉紳皆出其門洪武初累官紹興知府

侯庸 字景中平度州人生七歲父坐累謫閩南稍長母告之故庸悲痛誓贖父罪洪武間舉進士拜吏科給事中請納官代父辭甚哀切 上憫之 詔還其父庸至謫所迎歸尋陞吏部侍郎時學士劉三吾葛鈞受命授晉王世子經庸劾三吾等在職怠惰宜降別用上納其言庸獲知遇如此惜乎早卒

呂讓 字克遜平度人由進士任行人時安南反上遣讓諭之讓乃爲書與安南國王王饋黃白二金及沉檀香等物讓却之曰尉陀以區區之越與天子抗衡是召禍者也陸賈受金以分諸子是苟利者也王願以尉陀自處而以陸賈處人何其陋哉王無以對後遷監察御史終陝西僉事

崔衍 膠州人任北平衛經歷以廉能陞河間知府善政著聞召爲刑部左侍郎

辛曜 字耿之卽墨人天性聰敏廉厲剛正博學下問尤長於詩應洪武年間貢以建言授吏科給事中累有政績擢陝西按察使永樂年勅同昌邑黃福撫安交趾軍民甯息陞交趾布政九年致仕年九十終

戴綸 高密人由人材進階侍郎見知於 太宗 仁宗爲太子時好田獵綸以侍讀累諫不聽因奏 上召太子問曰汝平日與誰相得對曰戴綸因示所奏太子銜之及卽位因詰前事綸乃抗聲辯論辭益激切因怒被箠死天下聞而哀之

薛祿 膠州人洪武末有靖難功永樂初營建北京祿董其事復從征胡虜宣德初

萊州府志卷五

五五

從征武定屢立戰功進爵太保封陽武侯祿爲將勇智兼備紀律嚴明善撫士卒裹創赴鬪有進無退故所向成功卒追封鄴國公諡忠武

戴新 字景一平度州人永樂初舉進士選入翰林爲庶吉士侍 仁宗講讀遷主事以坐累謫戍未幾朝廷特宥復職累官雲南右布政兩征麓川贊督糧儲不乏賜賚甚厚

李綱 膠州人永樂間舉進士任兵科給事中性至孝廉介儉約朝野稱爲孝廉卒於京師貧不能斂鄉人同仕者賻贖得歸葬

李公諒 濰縣人性沉重寡言以賢良舉爲翼城知縣時兵燹之餘民不聊生公諒教民食野菜槐豆五易水糞之以濟饑民免流離驛中常有怪使客靡寧公諒移牒城隍神其恠遂滅終廣州知府

韓膺 平度人歷官吏部侍郎公清忠亮有大臣風

滕宗智 掖人永樂間由舉人選授御史時大難方靖朝政多闕權貴用事宗智正

色立朝彈駁不避上疏論肅朝綱振國勢八事多見采納

樂瑄 膠州人由進士任刑部主事陞員外郎有中貴逮獄同官顧望不敢問瑄毅然鞠之中貴卒服辜衆嘆服時大同多事缺知府少師楊士奇薦用之瑄依山爲塹兵禦其外民處其中綿亘千餘里境內晏然

韓福 膠州人由進士歷鞏昌知府入覲考廉能第一賜衣一襲加參政俸仍治鞏秩滿百姓立祠樹碑以紀德政官至右副都御史巡撫甯夏致仕歸鄉不乘車馬年七十卒

歐復 平度人由鄉舉任衡水知縣務惇德化邑人懷之秩滿乞留復任九年操履如初大慰民望致仕卒於家

譚溥 昌邑人由進士授刑部主事用法明允案無停牘自大司寇而下率禮重之累官陝西左布政使清介不阿天順庚辰徵爲南京戶部侍郎未逾年卒櫬回行李蕭然鄉人稱之

萊州府志卷五

五六

張斐 掖人性敏讀書過目成誦正統甲子鄉薦第一登進士累官戶部郎中奉使卒於遼東及歸葬行李蕭然時稱其廉

孫洪 昌邑人由進士授兵部主事氣量宏深才識超邁嘗奉 勅選調征勦兩廣官軍陞本部郎中尋改禮部會 慈懿皇太后崩葬禮悉從議擬陞山西右參政奉勅往撫河南流民處置有方巡撫大同累立邊功陞右副都御史致仕卒於家毛敏 掖人凝重簡默有古人風八歲卽閉戶讀書以遠大自期領景泰庚午鄉薦爲杭州府學教授晚歸林下泊然無欲孝友忠直鄉黨推重以子紀累贈柱國少保武英殿大學士

馮績 昌邑人由進士授兵部主事時山海關巡撫非其人績劾罷之改戶部監通徐二州租稅總管薊東邊儲以廉能稱自總戎而下薦留者章數上會內艱歸服闋賑陝右饑民賴以安擢山西右參政累遷甘肅巡撫都御史區畫有方恩威並行軍民仰戴焉

宗信 平度人由歲貢任潛山縣丞值歲旱率民鑿渠伍十餘里引塘水以灌田民賴以生嘆曰活我者宗丞乎名其河曰宗丞河卒於官民立祠祀之

官廉 平度人由進士歷官戶部郎中爲人剛介嘗賑饑給餉所至有功景州等處民田萬頃界接東宮莊田爲內侍冒占遣廉往勘內侍語廉曰田如歸我講讀官可得也廉曰以萬人命易一官吾弗爲之卒以所占田盡歸於民事見皇明通紀

李介 字守正高密人成化間舉進士擢監察御史以直諫被廷笞累遷都察院僉都御史巡撫宣府未幾召入佐院清簡自持不事苛刻時稱得體尋擢兵部侍郎值北虜犯邊奉 命督軍至則徧歷城堡宣上威德募兵訓練以俟征調嘗奏請修大同廢牆以禦虜衝前後所上邊事二十餘條多見採納軍民賴之尋卒於官贈兵部尙書

咎誠 高密人由進士累官兵部郎中事無巨細必盡心力大司馬余子俊器之嘗條奏便宜二十事會疾卒誠天性警敏經史不由師傅及入官猶手不釋卷事母

萊州府志卷五

五七

以孝稱

宋漢 膠州人由進士任慶雲知縣擢監察御史按兩浙京甸革奸剔蠹大著風裁陞湖廣副使道遇疾乞歸卒於家

侯尙文 掖人天性純儉力學苦志有古人風領鄉薦授平陸令興學校補廢墜凡有施爲率皆便民秩滿以繼母老疾不復仕處異母妹恩禮篤至鄉人稱爲孝友年八十三卒

劉紳 掖人由進士擢監察御史嘗因天變建白時政得失多見採納按陝西刑獄平反者甚衆陞雲南副使卒於官居鄉曲犯而不校人服其量

官賢 平度州人廉弟由進士任刑部主事謫汝州同知開渠灌田貯粟濟民累遷陝西按察司僉事尋陞督學校政聲咸著卒於家

藍章 卽墨人字文繡成化間舉進士爲御史按兩浙山西彈劾不避尋轉左僉都御史忤逆瑾左遷通判撫州瑾敗復起巡撫陝西時蜀保兒寇掠漢中章選將練

兵殲其首惡餘黨悉平漢中祠祀之仕終南京工部侍郎

匡翼之 膠州人由進士擢監察御史清戎陝西巡按江西風裁炳著陞四川按察司副使時威茂土蕃寇擾躬詣虜營諭以禍福悉降之忤逆瑾謫知桐廬縣瑾敗陞廣東按察使卒

李昆 高密人介子由進士授主事歷官都御史兵部侍郎才氣超邁每以直道忤時左遷者三操存端慎言動不苟有父風以疾乞休卒

郭東山 掖人字魯瞻其母夢吞鶴卵而生資聰敏早孤事母篤孝由進士知濬縣選御史以劾宦豎忤逆瑾下獄免官瑾敗起擢四川僉事持法廉平征搗賊有功陞兵備副使又平熒夷亂加俸一級尋陞四川右參政致仕卒於家

鄧中和 膠州人由舉人任垣曲縣教諭創講堂嚴束生徒教有成績陞吏部司務轉刑部忤逆瑾改國子學錄尋陞懷慶府同知涖官清正法行不怨越二載引疾歸囊無一錢杜門不出後進階朝列大夫

萊州府志卷五

五八

高迪 膠州人字允德由舉人任良鄉知縣遷宛平縣從容應酬不畏疆禦京輔災上疏蠲其田租之半進太僕丞奉使宣大二鎮守臣以百金爲贖迪却之守臣曰例也迪笑曰以今之却爲例於後不亦可乎其廉介如此

藍田 字玉甫章之子神穎天成日頌數千言爲文宏肆奇拔在韓蘇間初除監察御史 世廟初建言大禮廷笞幾死罷歸三十餘年不入公門惟與門生講學不倦嘗修孔廟葬孤貧遠近頌德先後論薦三十疏餘終不起卒今祀鄉賢有集行世

王蓋 濰人字惟忠以戎籍生長京師舉進士任戶部主事以忤逆瑾坐監收不明除名發回原籍茅屋蔬食談道自樂士類鄉人企慕日深後用御史薦復職歷陞河南巡撫都御史惠愛及民得撫臣體官至工部侍郎

杜珏 字廷陳濰人鄉試第一天性孝友與人謹言讀書晝夜不倦作文醇正宏深不事浮靡士林宗之

蘇叢 靈山衛人由貢士任米脂縣知縣選授御史扈從世宗南幸建言回籍後入米脂縣名宦祠

張鉞 平度人正德間舉人始仕清苑令入覲囊無長物圖書數卷而已後擢南度支抽分淮安不屑奇羨行旅悅之陞常德知府清介如一

李鳳 昌邑人由進士初知溫嵩行政惠民有瑞麥白兔之祥擢工部主事以直道出判常州尋守壽州中都宦者恣虐鳳劾之遂罷鎮守陞戶部員外郎遷工部郎中卒

翟瓚 昌邑人進士慷慨有大節初授工科給事中有直聲出爲河南僉事青年寇反瓚首破賊巢兩省獲安歷陞湖廣巡撫副都御史歸田後日市牛酒召故舊爲燕樂且卒諸所置產多召其主還之

王世臣 昌邑人由進士授如皋知縣清慎剛明興廢補弊至忘寢食活饑民獄大獄累被章薦未及大用卒於官

萊州府志卷五

五九

趙壁 字完玉掖人生而穎異幼孤知哀毀中嘉靖改元舉人爲人端方步趨不苟家貧事母以志養非仁人之粟不以供與妻葛甯甘蔬糲怡如也下帷授徒門多顯士常太守周之金固辭終身不仕

毛架 字世高掖人大學士紀姪領正德癸酉鄉薦孝行篤至居己廉介居相門檢約如寒素令汝陽長吏不相能卽垂橐歸方三月也謝政來絕迹官府四壁蕭然萊人甚重之

任萬里 字圖南掖人幼孤事母極孝起家進士初授行人使代王餽皆謝却之尋選禮科給諫直聲爲權貴所憚扈從 世廟南巡從官多所凌索則力正之亡何以疏宮僚事忤旨歸里足不入城市請寄尤所厭絕唯閉戶讀書課農教子所有茅屋數簷不蔽風雨薄田不滿百畝出入一羸馬一蒼頭毫無貴倨態極爲當道所重薦章凡十九上未及起而卒

賈澄 掖人字本清少孤順母撫弟暗合誼度貧不能就學長涉書史工顏帖筆力

適勁逼真藩司辟爲掾史供事清謹郭方伯特扁名清吏以表異之仕樂亭幕再仕登封一如爲掾時雖長吏饋亦堅謝不受尋致仕五十妻喪不再娶躬耕山田數十畝瓜蔬數畦非力不食田叟牧兒時供菜果稱而償之年九十卒其子舜田爲固始丞亦清苦多風力有父風

范階 字景志卽墨人登進士爲戶部郎監稅濟墅有餘貲悉報上之中外咸多其介然亦以是不能飭羔雁爲時權所恚遂謝病歸蔽衣糲食隱迹山林凡十餘年里中人見者不知其爲貴人也當途過邑往往造廬輒引避之惟以琴書自娛

王邦直 字子魚卽墨人由歲貢任鹽山縣丞以耿介自持會直指行部至爲奏記風俗奢靡自上壞之請減騶省供以清化源因應 詔疏陳十事得旨所奏多切時弊該部看議部議如奏頒行直指落職邦直亦竟罷歸家居凡四十年杜門自修人罕識其面

王漸 濰人舉進士爲人莊重廉潔令確山稱善爲御史有直聲所至獎廉抑貪汚吏望風解綬去官至陝西副使晚年里居慎交遊不苟一介今祀鄉賢

李源潔 昌邑人由舉人素行方正登科後捐金修四知祠閉戶讀書不事請謁本府扁其門曰養恬嘉靖年授舞陽縣清介嚴明毫不假借後以非罪去官鄉評惜之

孫夢豸 昌邑人由進士初任靈寶知縣有風裁選河南道監察御史以直言出爲岳州府知府乞休歸再起岳州府卒於官

張鯉 字子化膠州人講學以致良知爲務督學鄒公器之選明經任三河簿遷玉田丞內鄉令值外艱復補芮城歷數任妻歿不至於官一錢不受攜一僕宦邸亦不舉火日市胡餅啖之其去士民輒有去思碑後遷鄭府審理會大計冢宰陸光祖舉天下清苦官鯉與焉奉旨賜宴優叙拘例陞周府長史以疾致仕家居日用不給人有不堪者

趙慎修 字敬思膠州人初任鹽城縣令百姓戴如父母嘗錄士南畿品藻最當上

計稱最授職方郎後知揚州有廉明聲築大堤三百餘里漕舟民田兩利焉勅褒美之有爲苛禮中傷之者例當調當事者惜之爲補大名其治大名一如揚州居常以親老爲念一遷河南憲副之任僅五月卽請告終養投牒遂行旣歸二親相繼卒無幾慎修亦卒卒之日兩院猶疏薦之

